

# LAMPIRAN F.5

## **GARISPANDUAN PERLINGKUNGAN SEMULA DARIPADA ZON “PERUMAHAN TETAP SEDIA ADA” KEPADA ZON “PERNIAGAAN AM” DAN ZON “PEMAJUAN BERGAMPUR” (PERNIAGAAN/PERUMAHAN) BAGI LOT- LOT DI SEPANJANG JALAN JONES, BANDAR GEORGE TOWN, DTL, PULAU PINANG.**

### **1.0 TUJUAN**

Garis panduan ini adalah untuk memperlingkungan semula lot-lot berhadapan Jalan Jones daripada ‘Zon Perumahan Tetap Sedia Ada’ kepada ‘Zon Perniagaan Am’ dan ‘Zon Pemajuan Bergampur (Perniagaan/Perumahan)’.

### **2.0 PEMAKAIAN**

2.1. Kawasan pemakaian garis panduan adalah untuk lot-lot yang berhadapan dengan Jalan Jones seperti yang ditunjukkan di dalam Lampiran.

### **3.0 PERLINGKUNGAN SEDIA ADA**

3.1. Perlingkungan sediada mengikut Pelan Dasar Kawalan Perancangan Majlis Perbandaran Pulau Pinang menunjukkan lot-lot terlibat adalah ‘Zon Perumahan Tetap Sedia Ada’.

### **4.0 PERLINGKUNGAN SEMULA**

4.1. Lot-lot yang terlibat dan kawasan yang termasuk dalam kawasan seperti yang ditunjukkan dalam pelan yang terdiri daripada ‘Zon Perumahan Tetap Sedia Ada’ sahaja adalah diperlingkungan kepada ‘Zon Perniagaan Am’ dan ‘Zon Pemajuan Bergampur (Perniagaan/Perumahan)’.

\* 4.2. Nisbah plot yang dibenarkan adalah 1:1 dan maksima adalah 4:1. Bayaran infrastruktur akan dikenakan bagi nisbah plot melebihi 1:1.

- 4.3 Hanya satu (1) caj sahaja (samada caj tukar guna bangunan atau caj perlingkungan semula) akan dikenakan pada satu-satu permohonan. Penentuan jenis permohonan yang perlu dikemukakan dan caj yang dikenakan adalah berdasarkan perubahan matan yang dibuat mengikut keadaan seperti berikut :

Jenis Permohonan Yang Perlu Dikemukakan	<b>Permohonan Tukar Guna Bangunan</b>	<b>Permohonan Perlingkungan Semula</b>
Perubahan Matan	(i) tidak melibatkan tambahan ruang lantai bangunan sedia ada;  atau  (ii) melibatkan tambahan ruang lantai yang tidak melebihi 50% dari keluasan asal bangunan sedia ada dan/atau kurang dari 1,500 kaki persegi tetapi tidak melibatkan tambahan tingkat kepada bangunan sedia ada.	(i) melibatkan tambahan ruang lantai melebihi 50% dari keluasan asal bangunan sedia ada dan/atau melebihi dari 1,500 kaki persegi; dan/atau  (ii) melibatkan tambahan tingkat kepada bangunan sedia ada; dan/atau  (iii) melibatkan perobohan bangunan sedia ada; dan/atau  (iv) melibatkan pembinaan bangunan baharu.
Caj yang dikenakan	Bagi tukarguna bangunan daripada kediaman kepada perniagaan pada kadar RM100.00 per kaki persegi adalah terpakai.	Pemohon dikehendaki memberi tawaran membayar sumbangan kewangan kepada "Improvement Service Fund" mengikut peningkatan nilai tanah atas kadar 50% dari beza antara nilai zon asal kepada zon yang diperlingkungan semula mengikut kadar yang akan ditentukan oleh Jabatan Penilaian dan Pengurusan Harta, MBPP.
Lain-lain Syarat	-	Penyediaan jalan khidmat disyaratkan di sepanjang Jalan Jones

\* *Nota: kadar bayaran pemajuan bagi nisbah plot dan ketumpatan melebihi dibenarkan adalah atas kadar RM 15.00 sekaki persegi bagi pemajuan kediaman dan RM21 setiap kaki persegi untuk perniagaan. (Sila rujuk pindaan dasar mengenai kawalan ketumpatan & bayaran pemajuan Lampiran 1)*

## 5.0 JENIS KEGUNAAN

5.1. Aktiviti-aktiviti yang dibenarkan dan dibenarkan dengan syarat bagi kedua-dua zon ini adalah seperti yang ditentukan di bawah senarai kawalan aktiviti gunatanah dan bangunan seperti dalam jadual berikut:

<b>ZON PEMAJUAN BERCAMPUR (PERNIAGAAN/PERUMAHAN)</b>	
<b>Dibenarkan</b>	<b>Dibenarkan Dengan Syarat</b>
1. Kediaman berbilang unit	1. Hiburan
2. Jualan runcit am, perkhidmatan peribadi & isi rumah	2. <i>Leisure</i>
3. Perkhidmatan peribadi terkawal	3. Taman Tema
4. Institusi kewangan	4. Pusat membeli belah
5. Makanan dan minuman	5. Pusat pameran
6. Penginapan pelancong	6. Pusat penjagaan kanak-kanak
7. Pangsapuri perkhidmatan	
8. Teknologi, penyelidikan dan pembangunan (R&D)	
9. Kemudahan kesihatan	
10. Kemudahan keagamaan	
11. Kemudahan pendidikan	
12. Kemudahan komuniti	
13. Kemudahan sukan dan rekreasi	
14. Rumah kebajikan	

<b>ZON PERNIAGAAN AM</b>	
<b>Dibenarkan</b>	<b>Dibenarkan Dengan Syarat</b>
<ol style="list-style-type: none"> <li>1. Kediaman berbilang unit</li> <li>2. Jualan runcit am, perkhidmatan peribadi &amp; isi rumah</li> <li>3. Perkhidmatan peribadi terkawal</li> <li>4. Institusi kewangan</li> <li>5. Makanan dan minuman</li> <li>6. Penginapan pelancong</li> <li>7. Taman tema</li> <li>8. Pangsapuri perkhidmatan</li> <li>9. Kedai kereta dan motosikal</li> <li>10. Pusat pameran</li> <li>11. Teknologi, penyelidikan dan pembangunan (R&amp;D)</li> <li>12. Kemudahan kesihatan</li> <li>13. Kemudahan keagamaan</li> <li>14. Kemudahan komuniti</li> <li>15. Kemudahan rekreasi dan sukan</li> <li>16. Institusi</li> <li>17. Rumah kebajikan</li> <li>18. Kecemasan dan keselamatan</li> <li>19. Pusat penjagaan kanak-kanak</li> </ol>	<ol style="list-style-type: none"> <li>1. Kuarters kerajaan</li> <li>2. Hostel</li> <li>3. Hiburan</li> <li>4. <i>Leisure</i></li> <li>5. Percetakan dan penerbitan</li> </ol>

## **6.0 RUANG LETAK KERETA**

6.1. Ruang letak kereta hendaklah disediakan mengikut garis panduan Majlis. Di dalam kawasan di mana penyediaan secara fizikal tidak dapat disediakan, tawaran sumbangan sebagai ganti boleh dipertimbangkan.

## **7.0 TARIKH PERLAKSANAAN**

7.1 Pengesahan di peringkat Mesyuarat Biasa Majlis adalah pada 29.11.2021.

7.2 Tarikh pemakaian garis panduan ini adalah tarikh ianya dilulus dan disahkan oleh Jawatankuasa Perancang Negeri iaitu pada 24 Februari 2022.

7.3 Kelulusan ini terpakai bagi mana-mana Permohonan Kebenaran Merancang (PKM) yang masih dalam pertimbangan Majlis dan Permohonan Kebenaran Merancang (PKM) selepas tarikh kelulusan di Mesyuarat Jawatankuasa Perancang Negeri.

7.4 Setelah garis panduan ini diluluskan dan digunapakai oleh MPPP, garis panduan berikut dibatalkan dan digantikan dengan garis panduan ini :

- i. Garispanduan Perlingkungan Semula Daripada Zon "Perumahan Tetap Sedia Ada" Kepada Zon "Perniagaan Am" Dan Zon "Pemajuan Bercampur" (Perniagaan/Perumahan) Bagi Lot-Lot Di Sepanjang Jalan Jones, Bandar George Town, DTL, Pulau Pinang. (yang diterimapakai pada 10.2.2011)

